



Արդարադատության պարզեցված բյուջե 2026

Սույն հրապարակումը մշակվել է Եվրոպական միության ֆինանսական աջակցությամբ, «Իրավաբանների հայկական ասոցիացիա» ՀԿ-ի, «Տնտեսական զարգացման և հետազոտությունների կենտրոն» ՀԿ-ի և «Ագորա Սենթրլ Յուրոփ» ՀԿ-ի (Չեխիա) հետ համագործակցաբար գործարկվող «Բյուջեներ քաղաքացիների համար» ծրագրի շրջանակներում: Բովանդակության համար պատասխանատվություն է կրում «Բյուջեներ քաղաքացիների համար» ծրագիրը, և պարտադիր չէ, որ այն արտահայտի Եվրոպական միության տեսակետները:

Հրապարակումից օգտվելիս պատշաճ հղումը պարտադիր է

ԲՈՎԱՆԴԱԿՈՒԹՅՈՒՆ

Օգտագործված հապավումներ

4

Ընդհանուր ակնարկ

5

Արդարատության ոլորտի բյուջեն

6

ՀՀ Արդարադատության նախարարության բյուջեն ըստ ծրագրերի

7

Արդարադատության նախարարության և Սահմանադրական դատարանի բյուջեն

8

ԲԴԽ և Հակակոռուպցիոն կոմիտեի բյուջեն

9

ՄԻՊ և Կոռուպցիայի կանխարգելման հանձնաժողովի բյուջեն

10

Քննչական կոմիտեի և ՀՀ դատախազության բյուջեն

11

Արդարադատության ոլորտի արդյունքային ցուցանիշներ

12

ՕԳՏԱԳՈՐԾՎԱԾ ՀԱՊԱՎՈՒՄՆԵՐ

ԲԴԽ	Բարձրագույն դատական խորհուրդ
ԵԽ	Եվրոպայի խորհուրդ
ԵՄ	Եվրոպական միություն
ՀԿ	Հասարակության կազմակերպություն
ՀՀ	Հայաստանի Հանրապետություն
ՀՆԱ	Համախառն ներքին արդյունք
ՄԻՊ	Մարդու իրավունքների պաշտպան
մլն	միլիոն
մլրդ	միլիարդ


ԸՆԴՀԱՆՈՒՐ ԱԿՆԱՐԿ

- 2026 թվականի պետական բյուջեն հաստատվել է եկամուտների գծով 3,090.9 մլրդ դրամ, ծախսերի գծով 3,627.6 մլրդ դրամ և դեֆիցիտի գծով 536.8 մլրդ դրամ կամ համապատասխանաբար ՀՆԱ-ի 25.9, 30.4 և 4.5 տոկոսը:
- Արդարադատության ոլորտում իրականացվող ծախսերը պետական բյուջեում ներկայացված են արդարադատության և դատական գործունեության ծրագրերով, որոնք համակարգվում են ՀՀ Արդարադատության նախարարության և այլ պետական մարմինների կողմից, որոնք են՝ ՀՀ սահմանադրական դատարանը, Բարձրագույն դատական խորհուրդը, ՀՀ դատախազությունը, ՀՀ հակակոռուպցիոն կոմիտեն, ՀՀ քննչական կոմիտեն, Կոռուպցիայի կանխարգելման հանձնաժողովը և Մարդու իրավունքների պաշտպանի աշխատակազմը:
- 2026 թվականին արդարադատության ոլորտին նախատեսվել է հատկացնել 77.4 մլրդ դրամ, ինչը կազմում է պետական բյուջեի ամբողջ ծախսերի 2.1 տոկոսը և ՀՆԱ-ի 0.6 տոկոսը: Նախորդ տարվա համեմատ արդարադատության ոլորտի ֆինանսավորումն աճել է 2.9 տոկոսով:

Արդարադատության ոլորտի բյուջեն 2021-2026թթ. (մլրդ դրամ)



2026թ. Արդարադատության ոլորտի բյուջեի կառուցվածքը




- 2021-2026 թվականներին արդարադատության ոլորտի բյուջեն ունեցել է կայուն աճի միտում: Եթե 2021 թվականին ոլորտին ուղղվել է 48.4 մլրդ դրամ, ապա 2026 թվականին այդ ցուցանիշը կհասնի 77.4 մլրդ դրամի՝ աճելով 29.0 մլրդ դրամով կամ շուրջ 59.9 տոկոսով: Առավել զգալի աճ արձանագրվել է 2022-2023 թվականներին, երբ բյուջեի ծավալը 57.8 մլրդ դրամից աճել է մինչև 72.4 մլրդ դրամ:
- 2024 թվականին արդարադատության ոլորտի բյուջեն կազմել է 75.4 մլրդ դրամ, իսկ 2025 թվականին արձանագրվել է աննշան նվազում՝ մինչև 75.2 մլրդ դրամ: Սակայն արդեն 2026 թվականին նախատեսվում է բյուջեի նոր աճ՝ մինչև 77.4 մլրդ դրամ, ինչը վկայում է ոլորտի ֆինանսավորման շարունակական ընդլայնման մասին:

- 2026 թվականին արդարադատության ոլորտի բյուջեն կկազմի 77.4 մլրդ դրամ: Ֆինանսավորման հիմնական մասը կենտրոնացված է Արդարադատության նախարարությունում (32.6%), Քննչական կոմիտեում (24.8%) և Բարձրագույն դատական խորհրդում (21.8%), որոնց համատեղ բաժին է ընկնում ընդհանուր բյուջեի շուրջ 79.2%-ը: Միաժամանակ, Դատախազությանը կհատկացվի 13.7%, իսկ մնացած միջոցները կբաշխվեն Հակակոռուպցիոն կոմիտեի, Սահմանադրական դատարանի, ՄԻՊ աշխատակազմի և Կոռուպցիայի կանխարգելման հանձնաժողովի միջև: Այսպիսով, բյուջեի կառուցվածքը արտացոլում է ֆինանսական միջոցների գերակշիռ ուղղվածությունը դեպի արդարադատության համակարգի կառավարման, դատական և քննչական գործառույթների ապահովում:

ՀՀ Արդարադատության նախարարության բյուջեն ըստ ծրագրերի


Ծրագրի դասիչ	Ծրագրի անվանում	2026թ մլրդ դր	Տեսակարար կշիռը. Ոլորտի ընդ. ծախսերի մեջ %
1052	Քաղաքացիական կացության ակտերի գրանցում	156.4	0.6
1057	Արդարադատության ոլորտում քաղաքականության մշակում ծրագրերի համակարգում խորհրդատվության և մոնիտորինգի իրականացում	2,569.4	10.2
1093	Դատական և հանրային պաշտպանություն	1,592.6	6.3
1120	Քրեակատարողական ծառայություններ	16,032.1	63.6
1123	Իրավական իրազեկում և տեղեկատվության ապահովում	1,242.4	4.9
1149	Արդարադատության համակարգի աշխատակիցների վերապատրաստում և հատուկ ուսուցում	427.2	1.7
1182	Հարկադիր կատարման ծառայություններ	3,195.5	12.7
	ԸՆԴԱՄԵՆԸ	25,215.8	100

Արդարադատության նախարարության բյուջեն 2021-2026թթ. (մլն դրամ)




- 2021-2026 թվականներին արդարադատության բյուջեի ծավալները հիմնականում դրսևորել են աճի միտում: 2026 թվականին արդարադատության բյուջեն կկազմի 25.2 մլն դրամ, որը 2021 թվականի մակարդակը կգերազանցի շուրջ 5.6 մլն դրամով կամ մոտ 28.4 տոկոսով: Դիտարկվող ժամանակահատվածում ամենաբարձր ցուցանիշը արձանագրվել է 2023 թվականին՝ կազմելով 25.3 մլն դրամ:
- 2024 թվականին նկատվել է որոշակի նվազում, սակայն արդեն 2025 և 2026 թվականներին բյուջեի ծավալները կրկին աճել են: 2021-2026 թվականներին արդարադատության բյուջեի դինամիկան վկայում է ոլորտի ֆինանսավորման ընդլայնման և արդարադատության գործունեության զարգացման մասին: Չնայած առանձին տարիներին արձանագրված տատանումներին, երկարաժամկետ միտումը պահպանել է աճող բնույթ:

Սահմանադրական դատարանի բյուջեն 2021-2026թթ. (մլն դրամ)




- 2021-2026 թվականների ընթացքում ՀՀ Սահմանադրական դատարանի բյուջետային հատկացումների դինամիկայի վերլուծությունը վկայում է ֆինանսավորման ընդհանուր կայուն աճի մասին: 2021 թվականին կառույցի բյուջեն կազմել է 678.7 մլն դրամ, որից հետո արձանագրվել է հետևողական աճ՝ 2023 թվականին հասնելով 856.1 մլն դրամի: Չնայած 2024 թվականին նկատվել է բյուջետային միջոցների աննշան նվազում, հաջորդ տարիներին աճի միտումը վերականգնվել է:
- Ժամանակահատվածի ավարտին՝ 2026 թվականին, ֆինանսավորումը հասել է իր առավելագույն մակարդակին՝ կազմելով 912.4 մլն դրամ: Այսպիսով, հինգ տարվա ընթացքում Սահմանադրական դատարանի տարեկան բյուջեն աճել է շուրջ 34.4%-ով, ինչը վկայում է բարձրագույն դատական ատյանի գործունեության ապահովման և ինստիտուցիոնալ կարողությունների զարգացման ուղղությամբ պետական հատկացումների հետևողական ընդլայնման մասին:

Բարձրագույն դատական խորհրդի բյուջեն
2021-2026թթ. (մլրդ դրամ)




- 2021-2026 թվականների համար ՀՀ Բարձրագույն դատական խորհրդի (ԲԴԽ) բյուջետային հատկացումների վերլուծությունը ցույց է տալիս ֆինանսավորման սկզբնական կտրուկ աճի, որին հաջորդել է որոշակի նվազման և կայունացման միտում: 2021 թվականին, կառույցի բյուջեն կազմել է 12.4 մլրդ դրամ, որից հետո արձանագրվել է հետևողական աճ՝ 2024 թվականին հասնելով իր առավելագույն ցուցանիշին՝ 19.2 մլրդ դրամի:
- 2025 թվականից սկսած նկատվում է բյուջետային միջոցների որոշակի կրճատում, և 2026 թվականին հատկացումները կազմել են 16.9 մլրդ դրամ: Հատկանշական է, որ 2026 թվականի բյուջեի ողջ ծավալը (100%-ը) ուղղվել է «ՀՀ սահմանադրական դատարանի գործունեության ապահովում» ծրագրի շրջանակներին (Ծրագրի դասիչ՝ 1092): Չնայած վերջին տարիների անկմանը, հինգ տարիների կտրվածքով ԲԴԽ տարեկան ֆինանսավորումն ընդհանուր առմամբ աճել է շուրջ 35.9%-ով:

Հակակոռուպցիոն կոմիտեի բյուջեն
2022-2026թթ. (մլրդ դրամ)




- 2022-2026 թվականների համար ՀՀ հակակոռուպցիոն կոմիտեի բյուջետային հատկացումների վերլուծությունը ցույց է տալիս ֆինանսավորման սկզբնական կտրուկ աճի, որին հաջորդել է որոշակի նվազման և կրկնակի կայունացման միտում: 2025 թվականից սկսած նկատվում է բյուջետային միջոցների որոշակի կրճատում, և 2026 թվականին հատկացումները կազմել են 3.5 մլրդ դրամ:
- Հատկանշական է, որ 2026 թվականի բյուջեի ողջ ծավալը (100%-ը) ուղղվել է «Կոռուպցիոն հանցագործությունների բացահայտման և քննության ապահովում» ծրագրի շրջանակներին (Ծրագրի դասիչ՝ 1231): Չնայած վերջին տարիների տատանումներին, 2022 թվականի համեմատությամբ կոմիտեի տարեկան ֆինանսավորումն ընդհանուր առմամբ աճել է շուրջ 133.2%-ով:

Մարդու իրավունքների պաշտպանի աշխատակազմի բյուջեն 2021-2026թթ (մլն դրամ)




Կոռուպցիայի կանխարգելման հանձնաժողովի բյուջեն 2021-2026թթ (մլն դրամ)



- 2021-2026 թվականներին ՀՀ Մարդու իրավունքների պաշտպանի աշխատակազմի բյուջեն ընդհանուր առմամբ ունեցել է աճի միտում: Եթե 2021 թվականին աշխատակազմին ուղղվել է 531.3 մլն դրամ, ապա 2026 թվականին այդ ցուցանիշը կհասնի 602.1 մլն դրամի՝ աճելով շուրջ 13.3 տոկոսով, ընդ որում՝ ողջ ֆինանսավորումն ամբողջությամբ ուղղվում է «Մարդու իրավունքների պաշտպանություն» ծրագրին (դասիչ՝ 1180)՝ ապահովելով 100 տոկոս տեսակարար կշիռ:
- Չնայած 2025 թվականին արձանագրվել է հերթական թեթև նվազումը՝ մինչև 578.1 մլն դրամ, արդեն 2026 թվականին նախատեսվում է բյուջեի նոր աճ՝ հասնելով դիտարկվող ժամանակահատվածի առավելագույն ցուցանիշին (602.1 մլն դրամ), ինչը վկայում է ոլորտի ֆինանսական ապահովվածության շարունակական կարևորման մասին:

- 2026 թվականին ՀՀ Կոռուպցիայի կանխարգելման հանձնաժողովի բյուջեն նախատեսվում է, որ կկազմի 405.7 մլն դրամ, ինչը վկայում է դիտարկվող ժամանակահատվածում կոռուպցիայի կանխարգելմանն ուղղվող ֆինանսական միջոցների զգալի աճի մասին: Ֆինանսավորման առավելագույն ծավալը կանխատեսվում էր 2025 թվականին՝ հասնելով 420.3 մլն դրամի, ինչից հետո՝ 2026-ին, նկատվում է աննշան նվազում:
- 2026 թվականի բյուջեի շրջանակներում ֆինանսավորումն ամբողջությամբ կենտրոնացված է «Կանխարգելման համակարգի զարգացման ապահովում» ծրագրում (դասիչ՝ 1181), որը հանդիսանում է հանձնաժողովի գործունեության առանցքային ուղղությունը: Բյուջեի կառուցվածքն արտացոլում է պետության հստակ ուղղվածությունը դեպի հակակոռուպցիոն կանխարգելիչ մեխանիզմների ամրապնդում ու զարգացում:


Քննչական կոմիտեի բյուջեն 2021-2026թթ (մլրդ դրամ)



Աղբյուր՝ ՀՀ ֆինանսների նախարարություն

- 2021-2026 թվականներին ՀՀ Քննչական կոմիտեի բյուջեն ցուցաբերել է կայուն աճի միտում: Եթե 2021 թվականին բյուջեն կազմել է 8.1 մլրդ դրամ, ապա 2026 թվականին այն հասել է 19.2 մլրդ դրամի՝ աճելով շուրջ 2.4 անգամ: Առավել բարձր աճ գրանցվել է 2023 թվականին, իսկ հետագա տարիներին աճի տեմպերը աստիճանաբար դանդաղել են: Ընդհանուր առմամբ, բյուջետային հատկացումների աճը վկայում է քննչական համակարգի զարգացմանն ու կարողությունների ամրապնդմանն ուղղված պետական քաղաքականության մասին:


Դատախազության բյուջեն 2021-2026թթ (մլրդ դրամ)



Աղբյուր՝ ՀՀ ֆինանսների նախարարություն

- 2021-2026 թվականներին ՀՀ դատախազության ոլորտի բյուջեն աճել է 6.1 մլրդ դրամից մինչև 10.6 մլրդ դրամ՝ ավելանալով շուրջ 73.3 տոկոսով: Առավել զգալի աճ արձանագրվել է 2023 թվականին, որից հետո բյուջեի ծավալները պահպանվել են համեմատաբար կայուն մակարդակի վրա: 2026 թվականի բյուջեի կառուցվածքում գերակշռում են դատական համակարգին ուղղվող ծախսերը՝ 94.2 տոկոս մասնաբաժնով, մինչդեռ փորձագիտական ծառայություններին և մասնագիտական ուսուցմանը բաժին է ընկնում համապատասխանաբար 5.7 և 0.1 տոկոսը: Սա վկայում է ոլորտում ֆինանսական ռեսուրսների հիմնական կենտրոնացման մասին՝ ուղղված դատական համակարգի գործունեության ապահովմանը և զարգացմանը:

Արդարադատության ոլորտի 2026 թվականի ակնկալվող արդյունքային ցուցանիշները



Արդարադատության ոլորտի 2026 թվականի ակնկալվող արդյունքային ցուցանիշները

ԿԿՀ-ի կողմից վարքագծի կանոնների միասնական կիրառմամբ ապահովված հանրային ծառայության տեսակներ

7

ԿԿՀ գործունեության արդյունքում պաշտոնատար անձանց կողմից չներկայացված հայտարարագրերի քանակի նվազում

8%

ԿԿՀ-ի կողմից օրենքով սահմանված հիմքերի առկայության պարագայում հայտարարագրերի վերլուծություններ

200

ՀՀ քննչական կոմիտեում քրեական վարույթների քանակ

240,000

Հանրային պաշտոն զբաղեցնող անձանց անհամատեղելիության, շահերի բախման և վարքագծի կանոնների առերևույթ խախտումների վերաբերյալ ԿԿՀ-ի ուսումնասիրությունների քանակ

120

ՀՀ քննչական կոմիտեում քննիչների միջին ծանրաբեռնվածություն թիվ

370

ՀՀ դատախազությունում նախաձեռնված քրեական վարույթների ընդհանուր թիվ

65,000

Դատախազական հսկողության ներքո գտնված քրեական վարույթների ընդհանուր թիվ

223,000

ՀՀ դատախազությունում ավարտված քրեական վարույթների թիվ











45,000

ՀՀ դատախազության կողմից իրականացված գործառույթների արդյունքում պետությանը և համայնքներին պատճառված՝ վերականգնված վնասի չափը (հազար դրամ)

2,000,000

ՀՀ դատախազությունում ապօրինի ծագում ունեցող գույքի բռնագանձման գործառույթի շրջանակներում ներկայացված հայցագնի ընդհանուր գումարը (հազար դրամ)

598,458,599

ԴԱՏԱՐԱՆՆԵՐ	Ստացված հայցադիմումների, դիմումների և գործերի քանակը	Վարույթ ընդունված գործերի քանակը	Ավարտված գործերի քանակ
 ՀՀ Վճռաբեկ դատարան	 7,649	-	-
 ՀՀ վերաքննիչ քաղաքացիական դատարան	 10,166	 8,111	 7,246
 ՀՀ վերաքննիչ քրեկաան դատարան	 10,964	 9,265	 8,408
 ՀՀ վերաքննիչ վարչական դատարան	 15,511	 13,817	 6,026
 ՀՀ վարչական դատարան	 41,691	 38,186	 23,531
 ՀՀ Արագածոտնի մարզի առաջին ատյանի ընդհանուր իրավասության դատարան	 8,300	 7,962	 6,957
 ՀՀ Արարատի և Վայոց ձորի մարզերի առաջին ատյանի ընդհանուր իրավասության դատարան	 11,457	 11,014	 8,977
 ՀՀ Արմավիրի մարզի առաջին ատյանի ընդհանուր իրավասության դատարան	 9,629	 9,107	 6,929
 ՀՀ Գեղարքունիքի մարզի առաջին ատյանի ընդհանուր իրավասության դատարան	 4,028	 3,853	 3,497
 ՀՀ Լոռու մարզի առաջին ատյանի ընդհանուր իրավասության դատարան	 7,822	 7,478	 6,202
 ՀՀ Կոտայքի մարզի առաջին ատյանի ընդհանուր իրավասության դատարան	 8,326	 7,917	 6,816
 ՀՀ Շիրակի մարզի առաջին ատյանի ընդհանուր իրավասության դատարան	 9,441	 9,013	 7,378
 ՀՀ Սյունիքի մարզի առաջին ատյանի ընդհանուր իրավասության դատարան	 5,367	 5,239	 4,746
 ՀՀ Տավուշի մարզի առաջին ատյանի ընդհանուր իրավասության դատարան	 4,093	 3,842	 3,395
 ՀՀ Սնանկության դատարան	 15,264	 13,099	 6,813
 Հակակոռուպցիոն դատարան	 4,367	 3,884	 3,445
 Վերաքննիչ հակակոռուպցիոն դատարան	 1,909	 1,425	 1,314
 Երևան քաղաքի առաջին ատյանի ընդհանուր իրավասության քաղաքացիական դատարան	 31,695	 29,063	 24,846
 Երևան քաղաքի առաջին ատյանի ընդհանուր իրավասության քրեական դատարան	 29,551	 28,060	 25,514

ԱՐԴԱՐԱԴԱՏՈՒԹՅՈՒՆ . ՊԱՐԶԵՑՎԱԾ ԲՅՈՒՋԵ - 2026

B4C | Budgets
for
Citizens
Բյուջեներ քաղաքացիների համար

«Բյուջեներ քաղաքացիների համար» ծրագիր

budgets.am

